



UNIVERSITÄTS-
BIBLIOTHEK
PADERBORN

Davidis Regii Prophetae Psalterium

Moritz <Hessen, Landgraf>

Smalcaldiae, 1593

VD16 B 3258

Psalmvs CXV. Non nobis, Domine, non nobis, &c.

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

Montes subsiliere, mares omium ut petulantes,
Agnorum colles exiliere modo.
Qua tibi causa fuga, mare, cur tua terga dedisti?
Qua tibi causa metus, Iordani, tanta fuit?
Quidnam vos mouit, montes, ad subsiliendum?
Collibus ad saltum qua noua causa fuit?
Terra, immota aliàs, tremuit virtute potentis,
Ante Deum, quem tu fide Iacobe, colis.
Qui solidas petras mutans in stagna profunda,
Aspera saxa facit fundere fontis aquas.

PSALMVS CXV.

Non nobis, Domine, non nobis, &c.

GLoria non nobis, non nostris competit actis,
Sed tua, sancte Deus, nomina sola decet.
Ob tua quae gratis cumulare soles benefacta,
Obq; tuam indubiam perpetuamq; fidem.
Cur dicant gentes, simulacra prophana colentes,
Nunc Deus istorum Trinus & unus ubi est?
Ast Deus in caelis noster Deus omnia, solus
Quae vult quaq; probat, perficit atq; creat.
Illorum ex auro constata idola vel aere,
Sunt opera artificum sic fabrefacta manu.

Ora

Oragerunt muta, & non ulli peruia voci,
Et cæcis oculis lumina nulla vident.
Sunt illis aures surda, voci undiq; clausa,
Illorum nares flatu & odore carent.
Nil palpant manibusue suis digitisue prehédunt,
Et gressus nequeunt ferre mouendo pedes.
Nil gustant, nullosq; sonos è gutture mittunt,
Organa sermonis nulla loquentis habent.
Atq; horum similes, faciunt qui talia, fiunt,
Quotquot in Idolis spem posuere suam.
Tu verò Israel Domino confidere disce,
Is tibi erit clypei prasidiiq; loco.
Disce domus prestans Aaronia fidere Iouæ,
Is scutum, auxilium, robur eritq; suum.
Qui colitis Dominū, super hoc spes ponite vestras,
Frrita spes nullo tempore talis erit.
Nulla Deum nostri capiunt obliuia pacti,
Sed memor electis dat bona cuncta suis.
Ipse domum Israel benedicendo atq; Aaronis
Ditat, & innumeraprospérité beat.
Qui metuunt Dominū, saturantur diuite cornu,
Seu proceres seu sint inferiore loco.
Vos faciat Dominus successu crescere lato,

Atq;

Atq; ortam ex vestro semine progeniem.
Vos benedicti estis, grati acceptiq; Iehouæ,
Qui cælum & terras condidit atq; regit.
Cæli cælorum Domini sint regia sedes:
Ast hominum cætus terrea regna colant.
Non te laudabunt defuncti munere lethi,
Non anima, stygios qua petiere lacus.
Nos qui inter superos vitali vescimur aura,
Laude Deum æterna concelebrare iuuet.

PSALMVS CXVI.

Dilexi, quoniam exaudiet Dom. &c.
HÆC sunt grata meo tristi solatia cordi,
Quod Deus hanc vocẽ percipit atq; preces.
Semper in hac vita Dominũ in mea vota vocabo,
Semper enim oranti est auris aperta Dei.
Me circumdederant funes & vincula mortis,
Inferni laqueis iam propè captus eram.
Anxietas vrgens me a pectora mæsta premebat,
Vna preces sederat tunc adhibere, salus.
Dixi igitur: clemens, animam hanc, precor, eripe,
Quandoquidẽ es iustus propitiussq; Deg. (Ioua,
Syncero quoniam viuentes corde tueris,
Oppres.